



Гох шодман, гохида кўзга келар ёш,  
Гох ойда бўлсам ҳам Сизни кўрарман.  
Келсам, васлингизга беролмайман дош,  
Кетсам хажрингизда ўтман, ўртанган.

Гохо бир хис дилда инграйди нолон,  
Мен хорни бахтиёр этди мухаббат.  
Сиздай нурга лойик бўламан қачон,  
Ожизлигим ошкор этди мухаббат.

Гохида икрорман, гохо бекарор,  
Гохида чуқурда чинкирган гамман.  
Нега Аршингизда айланар агёр,  
Нега бошим чикмас арздан, аламдан?!

Севгилим, севсангиз шу менга ҳаёт,  
Шудир топганим бахт маржонларини.  
Севгилим, кетсангиз йўк менга нажот,  
Адоги бўлмайди армонларимнинг.

Севсангиз бўлгайман ҳар жангга тайёр,  
Ҳар жадалда голиб, ҳар он, ҳар қачон,  
Қудратли, енгилмас, мингта жони бор  
Сиз кутган, сиз орзу қилган қахрамон.

Гох шодман, гохида кўзга келар ёш.

## **ДРАМАТИК ХАЗИЛ**

Хотин ботиб терга  
Ўшқирар эрга.  
-Кимгасиз эрка?  
Хайдашди ишдан  
Ўзингизга ичдан

Ўзингиз душман.  
Кеча-ю эрта  
бошни эгиб ерга  
ботгансиз шеърга.  
Кечинг бу юмушдан  
Чиколмай кишдан  
Ўлмайлик очдан!  
Дедим: –Хотин кўп  
урма дўк  
кўнглим тўк.  
Чеки йўк армоннинг-кулиман  
Эрки йўк инсоннинг-дилиман  
Тилиман – давроннинг  
Шеър билан кўксим чўг.  
То кимки сўзлашга топмайди илож  
То борки корни оч,  
То борки мухтож  
хаттоки бошида бўлса хамки тож  
барчаси шоирга сезар эхтиёж.  
Сўз билан яралган олам азалдан.  
Сўзидан кайтмаган одам аталган.  
Кайдаки бор бўлса юксалган Ватан  
Шоирга эхтиром билан каралган.

Гар кимда дард бўлса –дармондир шоир  
Гар кимки мард бўлса –калкондир шоир.  
Ким маош тўлабди асаларига  
Табиат яратган –даврондир шоир.

Элим айтиб юрса кўшиқларимни  
Шеърим сурур берса нахорга ўхшаб.  
Чечакдай гуллаган туйгуларимнинг  
Бахосин ҳеч қачон бўлмайдди ўлчаб

То ўлмай киркилмас кулидан ризк хам  
Дарё- беминнатдир  
Илохий ишк хам  
Шоир иши қай бахор  
Хизматидан кам

Пулим йўк деб булбул чекибдими гам!  
Эй, ёр йиглайверма, тўкмагин кўз ёш  
Ризк истаб ҳар касга урмагайман бош .  
Холис хизматимга қилмай эътироз  
Худо ўзи ҳар ой тўлагай маош.

Биз кутмаган чоғда, нурли товоқда  
Хурлар ризкимизни ташир хар ёқдан...

### **ДЎСТЛИК МАДҲИ**

Давраларнинг тожи — дўстлар давраси  
Диллар ором топар, юраклар хузур.  
Бундан кўкка ўрлар дўстлар хандаси,  
Кўқдан бу даврага ёгилади нур.

Хар йигитнинг дўсти бўлса мард бўлади,  
Дўстинг бўлган даври-давронлар суюк.  
Дўсти борга бермок тан шарт бўлади.  
Дўст кадрини билган инсонлар буюк.

Сўз билан аслида мухтарам инсон,  
Сўз билан боғлайди жумла жахонни.  
Дўст билан аслида муқаррам инсон,  
Инсон деб бўлмайди дўстсиз инсонни.

Дўстлар барчангизга тилайман омад,  
Топганингиз фақат тўйга буюрсин.  
Доим бахтли бўлинг, бўлинг саломат,  
Мардона кулгингиз жаранглаб турсин.

Бу олам сизники, сизники хаёт,  
Сизга тан берганман, барчангиз — даҳо,  
Тилагим, дўстларнинг дўсти умрбод,  
Кодир Худо бўлсин, душмани — гадо !

\* \* \*

Мен билмайман бу кандайин ёзик бўлди,  
Қисмат йўлсиз сўкмоқларда қилди сарсон.  
Йўл тополмай кўзларимнинг нури сўлди,  
Пешонамни бир силагин, эй онажон!

Мен кимман-у дийдиёлар қилдим нечун,  
Йўқ бўлсам ҳам, ким изларди истаб нишон.  
Мен дунёга бир жилмайиб бокмок учун,  
Пешонамни бир силагин, эй онажон!

Мен ҳам бахтни кўрган эдим қайлардадир,  
Қўрмаганда яшар эдим, балки осон.  
Бол ўрнига кум тутмоқда бугун тақдир,  
Пешонамни бир силагин, эй онажон!

Балки йўлим очилади шунинг билан,  
Балки менга берилмаган ортик имкон.  
Кўзларимни бир кун ёпиб кўймасингдан,  
Пешонамни бир силаб кўй, эй онажон!

## **МЕНИ КЕЧИР**

Рафикамга

Мени кечир, сени бахтли килолмадим.  
Ваъдалар бергандим  
килган эдим ахд.  
Неча бор уриндим,  
уддалолмадим.  
Тобора узоклаб  
бораётир бахт.

Иродам синдими,  
синдиришдими?!  
Бир пайтлар бокардим  
сервикор, тикка.  
Рухимдан исённи  
тиндиришдими?  
Кўзларим тўладир  
мунг ва хадикка.

На бир шеър на бир сўз,  
на орзу, максад  
Энди осмонимда  
канот кокарлар  
Бургутдай кўкларни  
кўзлардим харвакт  
Менга эга чикди,  
товукбокарлар.

Кечир бўлолмадинг  
хуррам, бахтиёр.  
Тугаб бораётир  
тобора имкон.  
Билсайдим чохларнинг  
турганин тайёр  
Ваъда бермас эдим  
сенга хеч қачон.

Бакколни бува деб  
бол олмок мумкин.  
Аммо хеч хиёнат

килмасман шеърга.  
Шайтонларга карши  
ёзмогим учун  
Худойим, менга хур  
каламни берган.

Дунёга эгадир  
шайтонваччалар  
Уларга кўшилсам  
бойирдим махкам.  
Аммо халол йўлда  
топилмаса гар,  
Давлат-у бахт эмас,  
тилло-ю зар хам.

Турибман сарсари  
абгор ва тушкун  
Кечир. Мажолим йўк.  
мени кил дуо.  
Сен дейсан: - Мадад бор,  
нотавон, мискин.  
Хору – заифларнинг  
дўстидир Худо!

Бор кудрат кўлида  
бўлган буюк зот  
Агарки кўлласа,  
бўлса биз тараф  
Йўлимизни очса,  
ўнгласа хайхот  
Шудир бахт, шу тенгсиз  
саодат, шараф.

Толемизни ёруг  
килсин Худойим  
Бахт бергувчи факат  
Парвардигордир.  
Бизлар хор бўлмасмиз,  
дунёда доим  
Худони унутган  
кимсалар хордир!"

Сен таскин берасан.  
бахт айвонида  
Сенга эрк шаробин  
ичирмокчи эдим.

Навоий колдирган  
шеър осмонида  
Мен хам шеърларимни  
учирмокчи эдим.

Бир шеърки юракдан  
кўкка ўрлаган  
Гўё эрк номидан  
айтилган фарёд  
Бир шеърки, хавф ичра  
колганда Ватан  
Гўё мард ўглонлар  
ичган касамёд.

Мени кечир, сени бахтли килолмадим.  
Аммо ўзимни ҳеч кечиролмасман.  
Юксак парвозга шай шеърлар ёзолмадим.  
Канотлари синган, учиролмасман.

## **МОЛДОШЛАР ВА ЖОНДОШЛАР**

Кенг ўтлоқда ўйинлари ярашиб,  
Ирғишлаб бир-бирин, кучар кучуклар.  
Суяк ташланса гар, ўлжа талашиб,  
Бир-бирин гажишга тушар кучуклар.

Менинг хам кўп умрим тўдада ўтди.  
Гуруҳ ё жамоа дейилар бизда.  
Дўстлик, улфатчилик бузилиб кетди.  
Фойдани бўлолмай колганимизда.

Биз хам кучоклашиб кўришар эдик,  
Кизгин айтар эдик, тилак сўзларин.  
Мол-мулкни теппа-тенг бўлишар эдик,  
Хамтовок дўст эди, ошно дўстларим.

Аёндир, хар одам, хар кун хар фурсат  
Бу дунёга эга бўлмок истайди.  
Бўйсинмоги учун  
мансаб, шон - шуҳрат  
Ўзига тўда ё  
гуруҳ излайди.

Бари ўтди, хавога соврилди йиллар,  
Кўп кўрдим сотгану- сотилганларни.  
Зориккан, синиккан юрагим излар

Худони ўзига дўст билганларни.

Алдамайди улар, ё сотиб кетмас,  
Гамни, шодликни тенг кўради бахам.  
Мендан ё ўзидан кўрккандан эмас,  
Кўриб тургани–чун, хабардор Хакам.

Гар ўлжа ташланса, баднафс одамга,  
Етмас бу дунёнинг хазиначари.  
Ахир биз хайвонмас, инсонмиз, ҳамда  
—Худонинг ердаги халифалари.

Худо буюргани инсонга конун  
Барча бўйсунганлар, кондош дўстларим.  
Ошно бўлмас, улар ошу–нон учун.  
Иймон учун дўст бўлар, жондош дўстларим.

Яшаш осон. Аммо хар ким хам ўлар,  
Ва кайта тириллар, Еру–кўк тўлиб,  
Молу–дунё учун дўст бўлган дўстлар  
Уйғонар бир–бирин душмани бўлиб.

Гўё, кўкда ўйинлари ярашиб,  
Ирғишлаб бир-бирин, кучган кучуклар.  
Суяк ташланганда, ўлжа талашиб,  
Бир-бирин гажигашга тушган кучуклар.

\* \* \*

Нега хаёт деган дилбарни севдим.  
Бўлдим болаликдан хуснига шайдо.  
Нукрадай эканин билмаган эдим,  
Замин ўн саккиз минг сайёра аро.

Замин бир заррадир кенг коинотда.  
Лекин инсон экан мангу ўлмас зот.  
Яшаркан фоний ва бокий хаётда  
У Тангрига кул ва банда умрбод.

Хар кимнинг хар куни, хар бир соати  
Хар они аввалдан ўлчанган экан.  
Тангрим, сенга бўлсин бор ибодатим.  
Тангрим, банданг бўлай доим сен севган.

Иймон нури ёниб турсин багримда  
Адаштира асло тўгри йўллардан.

Бахт бер, халоват бер тушкун калбимга,  
Бер, яхши хаёт ва умр ўнганган.

Солих фарзандлар бер, диёнати бор  
Уйимдан кетмасин файзу – фарогат.  
Бергин ифбатли ёр, садокати бор,  
Ва ота – онамни килгин саломат.

Тангрим сен буюксан, тенгсиз акбарсан  
Пойингда кўл чўзиб, дуодадирман.  
Арзим кўп, мен факат сендан сўрарман.  
Сенсиз яшай олмас  
дунёдадирман.

Яшаш завки бир он ташлаб кетмайди.  
Хар он хаёлимни яшайди чархлаб.  
Канча севсанг унга, шунча етмайди  
Тангрим, менга бергин дунёни шархлаб.

Омад бер, омон эт тахликалардан.  
Балолардан асра, титрок жонимни.  
Ёркин истеъдод бер, алангаланган—  
Элга айтадиган дил тугёнимни.

Мухаббат бер калбда ёнгувчи абад.  
Дўстлик бер,  
дўст бўлсин кўз карогида.  
Зафар бер, бер менга голиблик факат  
Кадр бер, кўлласин эл ардогида.

Бер, бемор чоғимда шифои комил  
Бер, икки дунёнинг саодатини.  
Ганимлар олдида ўзинг бўл одил,  
Бер, тўймас нафснинг каноатини.

Имкон бер, кондирай эҳтиёжимни  
Яна бир он билмам, яшарманми йўк?!  
Сен бир он берган бу ихтиёримни  
Бир ондан сўнг яна топарманми, йўк?!

Яна милён милён истакларим бор  
Яна милён милён умидвор инсон.  
Яна милён милён сайёралар зор,  
Сендан нажот кутар эй буюк Хокон.

Пойингда самовот, Ер ила осмон



Халклар-у махлуклар, руху – малаклар  
Сенга сажда айлар то охир замон  
Мухаббатинг билан ёруг юраклар.

Ўзинг нажот бўлгин, ўзинг бўл панох  
Ишонганимиз сен якка ягона  
Зотан сен истасанг биз бормиз Оллох  
Юз бурсанг ер кўкдан колмас нишона.

## **НИДО**

Бахор келгани йўк, киш кетгани йўк  
Бошимда офтоб-у, пойимда корлар.  
Яна кайлардандир келтирмоқда чўг,  
Кеча мени ташлаб кетган бахорлар.

Фарзандларим бордир топмоқда камол  
Шеър ёздим гох илхом келган махали  
Оллох, сен уларни тарбияннга ол,  
Ўзим ёш болага ўхшайман хали.

Факат дўст орттирмоқ орзуим эди,  
Атрофимни зирхдай ўради душман.  
Тангрим, не килмоқни билмасман энди,  
Энди сен яшашни ўргатадурсан.

Ўзинг шеър ёзмокка этарсан кодир  
Шеър бер тонг сингари севимли, эрка.  
Элга шеър бермасам, эрк деган нодир,  
Сўз тўфони умрим совурар елга.

Тангрим фазлинг буюк, кудратинг буюк,  
Факат шер зотидан тугилгандай шер.  
Ўзбек жавҳарида жон каби суюк,  
Тугилди дунёга зийнат Алишер!

Ўзбек табиатин хикмати мисол,  
Рамзи мисол шу тог, кир - адирларни.  
Сен бердинг бу улуг миллатга тимсол,  
Амир Темурларни, Яссавийларни.

Ким бўлгайман ахир сени унутсам,  
Хайбатинг, даъватинг унутсам хорман.  
Кўкларга кўтардинг ерга йикилсам,  
Ўзингга ўргатдинг, минг бор карздорман.

Карздорман дунёга келганим учун,  
Бу ёруг оламини кўрдим, карздорман.  
Сенинг борлигингни билганим учун,  
Сенинг мўмин банданг бўлдим, карздорман.

Бир шеър бер таъзимим бўлсин мужассам.  
Зотан мўъжизадир сув, хаво, тупрок  
Зотан не яратдинг бари мукаррам,  
Яратгучи йўқдир сендан улугрок.

Зотан, сен бермасанг шоир не килар,  
Ўзин хар ён уриб чопгани билан  
Хар ким буюк, хар ким бек бўлар,  
Сенинг берганингни топгани билан.

Мулкинг эрур фалак. Бу чарх, бу даврон  
Ер кўк тавофда, тинмай урар бош.  
Миллатимга яна бергин шараф – шон.  
Менинг хам кўзимдан окизмагин ёш.

Ё Оллох, нолон-у, нотовонинг хам  
Бу хаёт қошида тизилгандир мард.  
Хар ўзбек, хар тонгда ичгайдир касам  
Бу буюк эл ичра, буюк бўлмок шарт!

\* \* \*

Тангрим! Бу чархи дун бунчалар айёр,  
Хеч ким менинг каби хайрон бўлмасин.  
Боримга шукур деб, турибман тайёр,  
Шархи гамим асло, достон бўлмасин.  
Илмни курол эт, сабримни либос  
Пир деб турганларим шайтон бўлмасин.  
Сен учун дўст бўлсин, ким дўст бўлса хос,  
Дўстим сени билмас, инсон бўлмасин.  
Кимни ардоқласам, яхши деб хайхот  
Киёматда холи ёмон бўлмасин.  
Барокат нури-ла зарланмиш хаёт  
Захримни самон эт, исён бўлмасин.  
Ишончим хазинам, ожизлик фахрим  
Калбимнинг рохати ибодатдадир.  
Бор шавким, рағбатим, сенгадир Тангрим  
Дардимнинг токати итоатдадир.  
Ер шари Аршингда заррадир зарра  
Мехрингдан Мосуво хазон бўлмасин.  
Хар онда, хар қачон, минг бор, минг қарра

Мадхинг янграмаган замон бўлмасин!

\* \* \*

Тобора гуриллаб ёнмоқда олов  
Тобора каттарок, тобора кенгрок.  
Тобора ўзимга билмасман аёв,  
Тобора каттарар кўксимда ингрок.

Тобора пойингга боряпман чўкиб  
Тобора адашиб, тобора сармаст.  
Тобора сен менга азизрок бўлиб,  
Ўзимдан тонмоқка килмоқдаман касд.

Тобора хуснингга телбаман-телба,  
Тобора бошимга урмоқда кисмат.  
Тогдай рохатимни совурдим елга,  
Ўрнига топмадим хасча халоват.

Туйгулар ёнмоқда, идрок ёнмоқда,  
Ёнмоқда шиддатли, тобора асов.  
Бир жонсарак нафас сарсон томоқда.  
Тобора гуриллаб ёнмоқда олов.

\* \* \*

Хаёт боги аста – аста кадам ташлаб,  
Тезлик билан ўтиб кетди юрагим хун.  
Бир дарвоза бўй кўрсатди, унга караб,  
Сўнгги кундай бўлиб колди, хар келар кун.

Бир дарвоза тураверар менга пешвоз,  
Умидларим кўп энди-ку бу хаётдан!?  
Бугунгина мен кўлимга олганда соз,  
Оёқларим кишанланди айт каёқдан.

Умр жар бўйида яшамок кулиб,  
Зирхли – зирхли тошлар сари шарт куламок.  
Эй хаётим, кўкка ўрла кўшик бўлиб,  
Жону жахдим юксакларни салт куйламок.

\* \* \*

Хаёт нима, тонгда турсам эрмак экан,  
Уйгонмасам, ўтиб кетган эртак экан.  
Бунча киска дея кўкка ёлвордим мен,

Фойдаси йўк, бакирмаслик керак экан.

Тўхтамайди, тақдир деган тўхтамайди,  
Бугунги кун кечагига ўхшамайди.  
Кумсоатда тугаб борар кунлар, аммо  
Яшамокка мухаббат ҳеч тугамайди.

Нима кўрдим? Нима топдим? Недан шодман?  
Ким учун ва нима учун яшаяпман?  
Она халким мен меҳрингни кўрдим не бахт,  
Шу ифтихор кўзларимни ёшлаётган!

Умр йўли, гохида чоҳ, гохида жар  
Гох йикилиб не киларим билмасам гар,  
Йикилсам ҳам юз бор такрор, такрор, такрор,  
Сенинг меҳринг каддим ростлар, олга бошлар.

Сен бўлмасанг захар ичар эди кўнглим.  
Сен борсангки, ўз умримдан рози бўлдим.  
Кунгабокар куёшга зор боккан каби  
Баҳра олдим, дармон олдим, кучга тўлдим.

Сен Бобурсан, Амир Темур, Навоийсан  
Зафар дарсин ўргатгувчи гозий – сенсан.  
Кадди баланд, кадри баланд, мард, забардаст  
Хак йўлида, шеър илмида дохий – сенсан.

Менчи на бир ишда донгдор, на кахрамон  
На тош йўндим, на чўлларни этдим бўстон  
Аммо халким, бошим узра меҳринг тафтин  
Сезиб турдим ҳар лахзада ва ҳар қачон.

Кетар бўлсам килмагайман ҳеч бир даъво  
Тақдирга тан бермасликдан нима маъно?!  
Мухаббатинг шаробидан сармаст мамнун  
Кўл силкийман сендан рози, сенга шайдо.

Аммо ҳаёт хали давом этаётир  
Яшаш учун меҳринг, кудрат бераётир.  
Даъват килиб, тиргак бўлиб, таянч бўлиб,  
“Буюк ишлар килмок керак” деяётир.

Она халким! Кўлимдан тут, мен тайёрман!  
Олам изра меҳрингни соч, мададқорман!  
Сенинг учун ўлмок балки жоиз эмас,  
Сенинг учун яшаганлар ичра борман!

## ЧИРОЙЛИДИР ЧУНКИ У...

Ёлгиз колдим афтода, тушкун,  
Юрагимни ўртади кайгу.  
Севги изхор килганим учун,  
Бугун мени ташлаб кетди у.

Кора кўзлар каърига чўкдим,  
Кетолмайман бу кора гамдан.  
Канча яхши кизга йўликдим,  
Бир ёмонни севган одамман.

У хуснда тенгсиз ва танхо,  
Севма асло, - дедим-у, ўзим.  
Гўзал киздан изладим вафо,  
Ўзгаларни кўрмади кўзим.

Уни севиб бўлдим айбдор  
Шу бахт учун тўлайин қарзим  
Жон чиккунча бўлай вафодор  
Жон бергунча килайин таъзим.

...Ёлгиз колдим афтода тушкун,  
Юрагимни ўртайди кайгу.  
Севги изхор килганим учун.  
Бугун мени ташлаб кетди у.

Ёмон ўтга тушган одамман,  
Балки яна тушарман минг бор.  
Чунки, у чиройли хаммадан,  
Чунки, ундан кечмасман зинхор.

## Шиор

Тангрим, бир юрак бер, оташ бер кайнок  
Мехру мухаббатим билмасин поён.  
Шу элни, шу юртни, алкаб беадок,  
Севиб яшай хар он, хар кун, хар қачон!